

祭李延平先生文

宋朱 嘉

道喪千載兩程勃興有的其緒龜山是承龜山之南道則由

覺其徒望門以趨唯時存身傳得其宗一簞一瓢凜然高風猗猗

先生果自得師身世兩忘惟道是資精義造約窮深極微凍解冰

釋發於天機乾端坤倪鬼秘神彰風霆之變日月之光爰暨山川

草木昆蟲人倫之正王道之中一以貫之其外無餘縷折毫差其

福建南平縣志 物產志

迎大本大經是度是程稅駕云初講義有端疾病乘之醫窮技殫

前言

设史官，修史志，独我中华民族为世界之先。地方志是我国的文化遗产，文献宝库中的瑰宝。

《南平县志》创修於宋朝，明、清、民国，代代相传，绵延不断。因年深日久，多已散佚，迄今尚有存书者五。民国初年，由吴棫修，蔡建贤纂的《南平县志》是现存的，年代最近的一部志书，共二十四卷，物产志为卷六。

《南平县志》物产志，内容甚富，种类繁多，翔实具体，考订精详。诸如谷、帛、器、货、蔬、瓜、果、药、木、竹、花、草、畜、毛、羽、鳞、介、虫属等。

我们根据重印《南平县志》版本，将物产志刊印单行本。编辑出版此志书的目的：为探讨南平的自然资源，动植物的生长、迁移、灭绝的过程、变化及其规律，为经济工作者以及历史科学研究工作者提供资料，为社会主义现代化建设服务。

本书由刘光舟整理，陈守治标点，潘枝东校对。由于水平所限，错漏在所难免，恳切希望广大读者和方志工作者批评指正。

南平市志编纂委员会办公室

一九八五年二月

物产志

盈天地皆物也，类聚群分，难以更仆数。风诗之所咏，尔雅之所释，不外草木、虫、鱼、鸟、兽而已。然先王之政教，於是乎施。周礼大司徒，以土会之法，辨五地之物生。山林、川泽、邱陵、坟衍、原隰，动植互异，因物以知民之常。故财贿以生，器用以具。传曰：「凡物不足以讲大事，其材不足以备器用，谓之不轨不物。」山林虽广，草木虽美，禁发必有时。地泽虽博，鱼鳖虽多，网罟必有正。盖以惜物力者，阜民财也。近观欧西政治日新，凡农林渔牧，莫不研究尽致，生殖蕃滋，与吾古先王茂时育物之道，如出一辙。至於宝藏尽辟，五金石炭之矿，钻穴凿崖，不遗余力，是亦日用生活之助也。南平重山复岭，梯田而耕，粒食不足。所赖山林之产，岁入不下百馀万金。竹有纸筭，木有杉松，既多且遍，随地皆宜，斯为大宗，通行及於燕、齐、楚、豫、赣、浙之邦。菰菌以香菰、朱菰为贵，销行亦远。茶叶盛於咸、同之际，而今则衰。油料不乏棕榈、乌柏，染料新有小叶洋靛，绵亘山麓，发生甚易，此皆有补於货殖者也。果若杨梅、林檎、桃、李、桔、柚；鸟若画眉、鹧鸪、竹鸡、山雉、布谷[⊖]、流莺；兽若山羊、田豕、獐、鹿、狸、獭；鱼若鳅、鳊、鲢、鲤、鲩、鲫、鲚、鳊。

山花弥望，草药尤繁。举其大凡，而略其种类。虽侈生物之富，究无当利源之开也。夫稻、粱、菽、粟，既仰赖於邻封；麻、苧、棉、蚕，又内空其杼柚。天产非不夥，害於人力之不齐。土膏非不腴，蔽於物理之无学。则欲邑之富，其可得乎？至论区域之所产，西北如大历口、鸬鹚口、峡阳、诏口、王台、高梧、西芹皆以木排为巨，纸次之，笋次之，火薪、菰、油又次之。茶则峡阳、王台犹著，笋以后坪独美。次推大横坑、溪源、大洋坳、岩头、濂上亦佳。东路界建瓯，幅员短狭。如安丰桥、外岐、埂埕，木排、纸、笋出产自逊。南路袤长，内邻瓯界，木排、纸、薪出口，首推下道，次若畲溪、桔溪、葫芦山、岳溪、太平皆有斯产。总之，山村错处，食毛苦作，悉由人工。此其所言，皆口岸交通之地也。矿产仅有石灰，银、锡、铜、铁未之有闻。昔皆以搯掘有碍地脉，今始发见一二，寥寥无几。故铁多外来，农器有缺。棉花蚕桑之利，种植尤稀，虽曰土宜不同，亦视乎人之提倡而鼓舞之，则此后物产之丰，当更增色矣。始举其已然者，以志於篇。

【校】○布谷：原本作「市谷」，今据同治刻本改。

物产

谷属

秈稻

秈与粳同，不粘稻也。春种秋熟曰早稻，有秧归、金城、江西、天降、台湾等异名。夏种冬熟曰晚稻，有赤芒、白芒、赤壳之名。其米有赤白不同，其种亦有水旱之异。

糯稻

糯粘稻也。南方水田多种之，其性粘可酿酒，可为粢，可蒸糕，可熬汤，可炒食，其类亦多，壳有红白二色，或有毛或无毛，米亦有赤白二色，一种粒白如霜曰糖糯，不以酿酒，多为糖，故名。

麦

有大小，大为麦，小为稈，小者○可捣为面。麦，秋种冬长，春秀夏实，其四时中和之气，南方地暖，冬种夏收，四气不足故有毒。南平无大麦，有一种荞麦，实三棱而黑，秋花冬实，可作粉饵服之，可敛盗汗，自汗。

稷

稷齐也，熟最早。

黍

黍暑也，待暑而成也。黍、稷一类二种，粘者曰黍，不粘曰稷。

粟

山中种，有狗尾、金钗二种，又有名芦粟、黄粟。

菽

豆之总名，有黑豆、白豆、俗呼白蒜，红豆俗呼茶子，黄豆、绿豆、斑豆即狸豆，俗呼花罗，青壳豆、豌豆俗呼芒花，黑豆可为豉，黄白青壳可为腐，绿可为粉，水泡浸为芽。此外有白扁豆，形如荚，凡十餘样，或长圆，或如龙爪虎爪，或如猪耳刀镰，嫩时充蔬，老则收子煮食。有一种荚硬，惟豆子粗圆而色白者，可入药。豇豆，豆子微曲如人肾形，有红白二色，荚有红白青数色，长者二尺餘，俗呼豆角，短肥呼肥豆，又有如刀，曰刀豆。

麻

油麻，即胡麻，一名脂麻，又名巨胜，有黑白二色，其茎皆方，花白或带紫，艳，结角长者寸许，有四棱六棱者，房少而子少，七棱八棱者，房大而子多。

帛属

苧布

苧一岁三刈，初刈者佳，三刈者次之。唯次刈不耐久。苧布各乡多有，唯细密精致几类纱罗曰铜板，出峡阳者佳，远市四方。

木绵布

西乡间有，多织成麻布。

器属

藤枕

劈细藤编成漆之，徽藤者佳，广藤者次之，夏日最宜。

皮枕

以牛皮束成，仍漆之朱之，较藤枕为坚。

卤水石

石出卤水，可为砚，虽细润，而不发墨。

花纹石

色青纹白，有山水禽鱼状，可为砚为屏。世传出黯淡滩湍下，故不易得。

漆木器

盆桶之类，坚致滑泽，轻巧适用。盆之小者，亦有以水杉为之。

草席

乡人织之，较福州为佳，但次于贡川耳。

枕石

延福门隔溪山中石，可磨藤枕，他石不堪用。

货属

蔗糖

蔗较甘蔗小而坚，以蔗入磨，牛转榨出汁，蒸炼成糖，俗名沙糖。

蜜

岩蜜①为上，不可多得，人家所蓄，一年三割，冬蜜为佳。

黄蜡

蜜蜡也，生於蜜中，取蜜后以脾底炼过，滤入水中，候凝取之。色黄者，名黄蜡。煎炼净，色白者，为白蜡。与虫造白蜡异。

苧

可织夏布，洋苧布。

麻

大麻，一名黄麻。

棕毛

棕树皮有丝，毛错纵如织，剥取可为器物。

笋

笋之類繁，有冬笋，猫竹初生未出土者掘之，味清甘，谓之冬笋。旧有稅。至立春日已出土为春笋，则无稅矣。有熟笋，即猫笋之出土而长者，掘之去皮壳，煮之熟，城乡春间咸赖以为蔬。有斑笋亦熟之以市，有江南笋味最清脆，有折笋产于城北大岩者，截之置岩泉浸一宿，色白味甘香。有黄笋、方笋、苦笋各随竹之所出。有茭笋非竹种，种陂池，叶如蒲苇，生白梗味清甘，凡此不通异地。唯沙笋以猫竹熟之而榨乾，名三花者，节密短而厚为上，次为尖亦细短且嫩，又次名湖北尖而大，嫩名片比标，皆节密而薄且粗，此远市吴越江淮，为南邑之溥利焉。

茶

产不一，南平城南万福精舍产者曰龙团，最佳。

油

茶油、桐油、菜油、麻油、柏油，又名囊油。

蕨粉

八月取其根，捣烂入水滤成粉，用以滑泽珍饈，亦可和糖为团，俭年或赖以济饥。

薯蓝

茎蔓似薯，根似何首乌，皮黑肉红，可染布。

漆

出儒岭，大暑时傍暮横割漆树，以蚌壳銜入，次黎明收。造漆至立冬止。认漆法，以纸钉浸漆燃之，不溢位者真，和油及杂水汤者④，必溢位。

蓝淀

即尔雅葳马蓝。

姜黄

根叶似郁金，用以染色。棚民沿山种之，亦入药。

箬叶

似竹叶而大，舟人以絮篷，亦用笠。

烟草

种出东洋，近多蒔之，价昂甚，以腴田种艺者。

酒

有红、白、冬青三种，行远则惟药烧、干烧。

炭

深山掘窑，烧坚木而成。

白土粉

出衍山白岩，俗呼拌粉。

桂皮

气味如紫桂，用作香料烹饪。

杨梅皮

染皂。

薯粉

以蕃薯捣烂，滤汁为粉。

纸

有海纸、炮纸、琉球纸、大甲、小甲、面带、草纸数种。

豆豉

以黑豆制成，有红汤、黑汤二种，出南山者佳。

蔬属

芥

有青芥、紫芥、花芥数种，更有一种，叶小子细不堪食，子研烂，和醋发之以拌食，名曰芥辣。

白菜

叶青碧，茎白，近有兜团束似山东者，亦名曰山东白，或名黄牙白。

芜菁

一名蔓菁，芥属，茎叶不堪茹，惟根如萝卜而坚，糟食香脆。

萝卜

产上洋口者佳，徐洋、大洲者次之。

胡萝卜

出后路口者，根小而赤，甘脆殊胜。

油菜

子可榨油。

芥蓝

叶如蓝而厚，青碧色。

同蒿

形气同蓬蒿，故名。

莴苣

一名白莴，自万国来，有毒，百虫不敢近。人食其苔，谓之莴笋。南邑唯啖叶，又叶青而尖者味苦。

苦黄菜

叶如苦苣而狭，绿色差淡，折之白乳汁出，味苦，花似野菊。

菘苾

一名菘菜，其茎烧灰，淋汁洗衣，白如玉色。

菠菱

种来尼波维国，种时须呀，开易浸胀，必过月朔乃生。

葵

叶如蜀葵，味甘滑，俗呼旗菜，经霜压者尤美。

蕓

壅土即生，节节生芽，一本可成一畦。

苋

有红、白二色。

芹

水芹，生水中根白，旱芹，生平地，有赤、白二色。孟倪云：和醋食损齿，鳖瘕不可食。李廷飞曰：赤芹害人不可食。李时珍曰：蛇喜食芹，故惊蛰后忌食之。

马齿苋

一名五行草，以其叶梗赤，花黄，根白，子黑也。

蕻

辛菜也，朱文公饮后，辄以蕻茎供蔬品，以其爽口消食，但多食发痼疾生热。

芥

有甘苦二种，苦芥性凉，未立夏不宜食，又一种名白苦芥，叶白而大。

蕨

初生无叶时可食，性寒滑肠胃，不可多食。

蕈

其类多，即菰也。香蕈为上，生者作羹，味鲜滑。冬月者质厚而甘，秋月催之而生，与春月生者皆不及焉。烘干，与朱菰皆可致远。一名牛唇菰，色黄黑肉厚，醋煮佳。凡蕈菌皆湿气薰蒸而成，多有毒，能害人，语曰：有菜莫食

菰，宜慎之也。

芡笋

注笋类。

芋

一名土芝，又名蹲鸱，有白蒜、红芽二种，水田蒔者水芋味胜，茎亦可食，芋魁曰芋头，旁小曰芋子，一种曰狗爪芋，魁圆子多长，又山种之，曰山芋。

山药

本名薯蕷，一曰玉延。李时珍曰：芋蕷入药，野生者为胜，若供饌，则田种者良，近焙作药材，其利颇饶。一种皮紫或黄，本小末大而扁，名慈薯。

茄

一名落苏，有紫、黄、白三色皆长，一种圆而紫者，肉稍坚，可酱可脯可糖。

韭

一种而久生，故谓之韭，花亦供饌，叶大者味臭，不堪食。

葱

外直中空，葱通之象。按葱有冬葱即冻葱，汉葱、胡葱、茗葱四种。南邑所产者惟冬葱，茎叶柔细而香，又有一种大而长名天葱，可为药，不可入蔬。

藟

即藟，韭类也，煮食芼酒糟藏醋浸皆宜。宋大明曰：藟不可与牛肉同食，令人作症痕。

蒜

八月种，冬春食苗，初夏食薹，五月食根，亦捣为齏。

茺菘

八月下种，晦日尤良。初生柔茎圆叶，根软而白，冬春采之香美。以上五种谓之葶菜。

姜

初生嫩者其尖微紫，名紫姜，或作子姜，宿根谓之母姜，即老姜。古云：秋不食姜。朱晦庵语录，亦有：秋姜天人天年之语。

椒

花椒，名秦椒，四月生细花，五月结实，生青熟红，大於蜀椒。一种蕃椒，叶如花椒而细薄，结椒如鸡心如枣，生绿熟红，皮光润，中有白子。

蓏属

瓠

长而瘦上日瓠，俗呼瓠子，可食，不能为器。

壶

短柄大腹者为壶，壶之细腰者为蒲芦匏，壶嫩可食，老则坚以为器，大者可为盆盎，小者可为瓢樽。

冬瓜

经霜后，皮上白如粉涂，凡收瓜，忌酒、漆、麝香及糯米，触之必烂。孙真人曰：九月勿食，令人反胃，性走而急，久病阴虚者忌之。

南瓜

俗呼金瓜，种出南方，皮上有棱如甜瓜，其肉厚色黄，煮食良，多食发脚气黄疸，不可同羊肉食，令人气壅。一种碗大色白名碗瓜，四月已熟，又一种甚小而色赤，来自台湾，俗呼台湾瓜，但可供玩赏。

越瓜

即稍瓜，有青白二种。

王瓜 月令四月王瓜生，南平二月已有，五月生者名香瓜。

苦瓜 皮痒，味苦，白者稍淡。

丝瓜 嫩时去皮烹食，经霜而枯，可涂釜器，俗呼洗锅布。

西瓜 种来回纒，其色青绿，其瓢红白，又有黄瓢者最佳，性生冷，伤脾助湿，但食之能化畜毛。

土瓜 其藤似葛，其根入地，结为瓜状，色白而脆，味甘香，能解酒消渴，又谓之新罗葛。

地瓜 俗呼红薯，形长皮红肉白坚脆，生啖熟食皆宜，一种形圆皮黄，肉淡黄或淡红色者，名荒芋，味淡，蒸可食，可以济饥。

果属

梅 先众木而生，其实春生夏熟。

李 亦春花春生，夏熟。

桃 品甚多，花有红白紫千层之殊，其实有红桃、绯桃、碧桃、蜜桃、胭脂桃，皆以色名。

栗 花实下垂，可种成，不可移栽。

榛 栗类，顶圆末尖，有小者名毛榛，南邑多。

枣 枣类多，南平有白枣、金枣。

梨 梨品甚多，必须棠、梨、桑树接过去，则结子早而佳，南邑有香水梨、雪梨。

柿 其形扁而方，色青绿皮厚，盐水浸乃可食。一种小柿如卵而红，俗呼鸭蛋柿，有可压油者名油柿，又有去皮晒乾，名曰柿枣。

安石榴

有甘酢二种，又四季榴。

桔

外赤内黄，剖之香雾芬郁。

柑

似桔而圆大，皮色生青熟黄，九头柑其瓢九瓣，蜜罗柑其柑如蜜，味最美。

橙

形圆，大於桔而香，皮厚而皱，以盐淹谓之橙盐，能消食宽气。

柚

黄白色，皮厚味甘，亦有酸者，瓢有红白二种，俗呼为枹。

香椽

皮若橙而光洁，肉厚白而松中，瓢不分瓣，味甜而香。一种如人手指，俗呼佛手柑，又一种大而味更美者，名蜜筒。

公孙桔

俗呼公领孙，其花实络绎不绝。

金桔

一名卢橘，一种实小，俗呼金豆，一名金枣，皆金桔类也。

枇杷

叶微似栗，冬花春实，其子簇结有毛，白为上，黄者次之。

杨梅

形如水杨子，而味似梅，生青熟红，其皮可染色，远市外江。

樱桃

一名含桃，先百果熟，有朱樱、紫樱之分，经雨则虫自生内，人莫之见，用水浸久，虫自出，乃可食。

银杏

俗呼白果，一名鸭脚，八月产，性清火润肺，多食能昏人，造粉可嫩肌肤。

木瓜

花如海棠而香，实蜜煎甚佳，野生者入药。

林檎

味甘，能来众禽於林，故名。

楮

树如栗，冬月不凋，子小於橡，有苦甜二种，一名钩栗，俗呼猴栗。

橡实 一名橡斗，一名皂斗，俗呼苦楮。

酸枣 实如枇杷而无毛，核大形如枣，味酢，可和糖煎为糕。

葡萄 有青、紫二色。

甘蔗 味甘，出峡阳者佳。

荸荠 一名鳧茈。

梧桐子 树生，橐鄂形如羹匙，缀橐鄂上，大如胡椒。

莲藕芰 南邑陂塘甚少，莲菱诸物间之有。

落花生 南邑向少，今多有之。

苜蓿 蔓生，类薯。

榧子 一名赤果，一名玉榧。

芽藤苞 苞生芽藤节间，无花而结。

海棠梨 熟时色红黄，味甘微酸。

扁担子 似葡萄而色白，味甘微酸。

麦莉子 山中生，霜后可食。

药属

薏苡仁 久服，轻身益气。

白扁豆 洋谷属。

菖蒲 一寸九节者佳，性能去痰开窍。

地黄 以叶煮猪肉食，主疗血粘燥湿之疾。

天门冬 春生藤蔓，叶如茴香，极尖细而疏滑，有逆刺。

麦门冬 叶如韭，四季不凋，根有须作连珠，形似杵麦。

黄精 一名山姜，本草谓久服身轻，食法须九蒸九晒，不尔戟喉。

茯苓 老松馀气，结为茯苓，有赤、白二种，其包根面清虚者为茯神。

枸杞 能补益精气。

金樱子 丛生郊野，大类蔷薇，能涩精，亦可造酒。

卮子 卮，酒器也，其形象之，故名。

桑白皮 桑根白叶，随时可采，出土者杀人。

桑寄生 树多寄生，唯桑树者良。

木瓜 味酸，得木之正气。

茱萸 枝柔而脆，叶长而皱，结实成簇而无核。

黄荆 一名牡荆，一名小荆，即楚也。

香附子 一名雀头香，又名水莎，又名夫须。

香薷 似白苏，而叶细。

薄荷 方茎赤色，其叶对生。

荆芥

紫苏 不可同鲤鱼食，生毒疮。

山慈姑 一名金灯。

艾 一名蕪艾，一名青艾，一名白艾，皆为药品。

青蒿 茎叶青青，初生可以为蔬。

益母草 有白花、紫花二种。

夏枯草 夏至后即枯。

豨薟 茎叶类苍耳，一名猪膏母。

决明 有马蹄决明，苙芒决明二种，邑所产者，马蹄决明也。

车前 即车苳俗名虾蟆草。

旱莲 一名鳧肠。

马鞭

节生紫花，如马鞭节。

谷精

一名戴星，谷田馱气所生。

紫花地丁

叶似柳而细，夏开紫花结角。

蒲公英

一名黄花地丁。

地蜈蚣

生村落墜野间。

蓖麻

其形有赤有白，其仁有油，可作印色及油纸。

天南星

即虎掌，叶形似虎掌，根圆白，形如老人星状。

苍耳子

一名棠耳，即卷耳也，俗呼羊带来。

常山

茎圆有节，高者不过三四尺。

使君子

杀虫药，味甘。

牵牛子

有黑白二种。

括萎

一名果裸。

百部

其根多者，百十连属如部伍然，故名。

何首乌

五十年者如拳，号山奴。百年者如碗，号山哥。百五十年者如盎，号山伯。二百年者如斗，号山翁。号山精。纯阳之体，久服成仙也。

菝葜

一名金刚，一名铁菱角。

茜草 染茜草亦入药。

钩藤 状如葡萄藤而有刺，其刺曲如钩。

木莲 一名薜荔。

金银花 一名忍冬。

南藤 一名丁公藤。

红藤 生深山，皮赤大如指。

骨碎补 即猴姜，生木上或石上，一名沙姜。

接骨草 一名蒴藋，轻虚无心。

土茯苓 藤生，叶如瑞叶而长，根作块有节，味如薯蕷，有赤、白二种，入药用。白者一名禹馀粮。

半夏

泽兰 俗名千里笈。

闹阳花 夏开白花，秋结圆子有刺，花与子均有毒能昏人，中此毒者，以瓮菜根捣汁服之即解。

斑草甑 能消积食。

商陆 俗名蛇坊头。

冒风柴 产而后服之，可防冒风。